

Darnach seindt gänge die im zerteilen ein vnderscheidt habende / dan̄ einer zerschneidt den anderen creuzweis / ein anderer zerteilt den anderen / das er sich über den hauptgang örttert.

Der hauptgang A. Der quãrgang B. Ein gang
der sich über den hauptgang örttert. C.



So aber ein gang der ein anderen ortschicks zerteilt / vester ist / dan̄ diser / der sich über dē hauptgang örttert / ghet er durch die selbige nicht anders als ein hültzener oder eisner keill / so durch ein lind holz mit ein schlegel gschlagē wirt: so er nicht zū vhest ist / so nimpt den selbigenn der hauptgang mit sich bey drei en werckschühen / oder bey einem / zwen / drey oder mehr lachtern / vnd bringe ihn in das vorder teil / welchs sãlten geschicht: das aber allenthalben ein gang seye / der denn hauptgang zerteilet / das selbig zeiget an die gestalt des hangenden vnd ligends.

Ein